

Dadus relata 02 December 2020

SUMÁRIU

- Ohin lora 2 Dezembru 2020 relata tan kazu COVID-19 foun. Ida ne'e lori total kazu COVID-19 iha Timor-Leste ba 31.
- UNICEF partisipa iha grupu servisu tékniku ba imunizasaun ne'ebé lidera hosi Diretór Nasionál Saúde Públiku. Grupu servisu tékniku ne'e halo enkontru hodi haree hamutuk aplikasaun vasina COVAX ba facilidade COVAX ba populasau 20% hosi total populasau hotu ho vasina COVID-19. No iha mós pontu balun atu foti asaun ne'ebé dezenvolve durante enkontru ne'ebé prezisa atualiza ho lejisladór sira ba introdusaun vasina COVID-19.
- MS ho apoiu hosi UNICEF, OMS, Banku Mundiál no Embaixada Australia servisu hamutuk hodi kria estratejia distribusaun vasina COVID-19. Desizaun importante sira hanesan estabelesimentu komite nasional ba koordensaun, apresenta planu distribusaun vasina COVID-19 ba konsellu ministru hodi hetan aprovasaun no identifika ekipa ida hodi finaliza aplikasaun ba vasina COVAX.
- UNICEF hamutuk ho OMS, DFAT no parseiru sira seluk fó assisténsia ba Gabinete Diresaun Polítika no Parseria hodi dezenvolve terminu referensia ba komite nasional koordensaun ba distribusaun vasina COVID-19. Ekipa ne'e mós dezenvolve polítika badak ida kona-ba distribusaun vasina COVID-19 ne'ebé maka sei apresenta iha konsellu ministru iha lora 2 Dezembru 2020.
- MS ho parseiru sira hanesan OMS, UNFPA, no organizasaun sosiedade sívil, parte interesada setór privadu sira komemora Lora Mundiál ba SIDA. Tema nasional ba lora SIDA ne'e maka "Hatene ita nia status; halo teste; hapara hada'et moras." Mundu halo ona progresu boot dezde fin de tinan 1990, maibé HIV kontinua sai hanesan problema saúde públiku global. No hanesan problema saúde públiku boot liu, no hasoru dezafiu adisional tan durante pandemia COVID-19.

SITUASAUN IHA NÚMERU

Totál no kazu (foun) iha Timor-Leste

31 konfirmadu (**foun 1**)

0 mate

(Bazeia ba dadus ne'ebé pública iha [Ministerio da Saúde](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha lora hitu nia lora


Globalmente

61 866 635 Konfirmadu (**3 935 330**)

1 448 990 Mate (**69 916**)




Data notifikasaun kazu foun no kumulativu COVID-19 iha Timor-Leste
(02-Dec-2020 : kazu foun-1 kumulativus-31)




Source : Direcção Nacional Controlo de Doenças - Departamento Vijiñansia Epidemiolojia

Situasaun Nasional Kazu : COVID-19 Timor-Leste


(02-Dec-2020 : Kumulative figures)



Source : Direcção Nacional Controlo de Doenças - Departamento Vijiñansia Epidemiolojia



Teste Laboratoriu : COVID-19 Timor-Leste (02-Dec-2020 : Kumulative figures)



OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;

- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Taka ibun no inus bainhira me'ar
- Labele ka'er matan, inus no ibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distánsia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-